



APPENDIX

DE

VARIIS SIMPLICIUM PRÆPARATIONIBUS.

PRÆPARATIONES ANIMALIUM.

SANGUINIS HIRCINI

PRÆPARATIO.

Hircus adultæ ætatis, boni habitus nutriatur per quadraginta dies herbis diureticis ac lithontripticis, ut Petroselino, Fœniculo, Saxifraga, & similibus: juguletur diebus canicularibus. Effusus Sanguis post coagulationem in partes scindatur, quæ supra cribrum extensæ, ac linteo coopertæ in hypocausto aut furno modice calefacto siccentur.

IDA-

Exhant

ADIPUM ET MEDULLARUM

PRÆPARATIO.

Adipes, Axungia, Medulla, & Pinguedines quælibet aqua pura sæpius abluta, a sanguine & pelliculis si opus fuerit repurgata liquentur in balneo-maris, ac per linteum percolata in proprium vas recondantur frigido loco ad annum servandæ.

OESYPI EXTRACTIO.

Lana succida ex collo, axillis, & interfeminibus Ovium detonsa aqua ferventi macerentur per sex horas, ac rursus fervefacta bacillo agitentur ut pinguedinem in aqua deponant. Sepositis lanis ac fortiter expressis, aqua pinguitudine imbuta de vase in vas ex alto effundatur refundaturque, donec valde spumosa fiat. Sedata spuma auferatur pinguedo supernatans: aqua vero iterum effundatur & agitetur ad novam spumescentiam. Id toties fiet quoad separata fuerit omnis pinguedo: est Oesypus vulgo Isopus humida, aqua pura sæpius abluenda donec albescat.

PULMONIS VULPINI PRÆPARATIO.

Pulmo Vulpis recenter mactata, exemptis canaliculis omnibus arteriosis ac venosis, vino odorato abluatur, & a sanguine purgetur: in ollam inditus siccetur in furno modice calente: Absinthio vel Ruta involutus recondatur.

Eadem

Eadem fere ratione membranaceæ & carnosæ Animalium partes præparentur.

LUMBRICORUM PRÆPARATIO.

Lumbrici terrestres Vino abluantur donec omne inquinamentum deposuerint: siccati ad usum rependantur.

MILLEPEDUM PRÆPARATIO.

Millepedes sive Asellos Vino Malvatico ablutos exsicca in furno leviter calente: rursus Vino Malvatico imbue quantum fieri potest, & iterum exsicca. Hæc omnia repete tertia & quarta vice: ultimo exsiccatos redige in pulverem, & serva ad usum.

SERICI USTULATIO.

Folliculi Serici ex quibus papiliones nondum enati fuerint minute incidantur, exteriori lanugine abjecta. In ollam novam inditi ustulentur levissime, ut possint redigi in pulverem.

ALBI GRÆCI PRÆPARATIO.

Canis longo jejunio maceratus solis ossibus nutriatur per plures dies. Excrementa albi coloris supra lapidem lævigentur, & in pastillos fingantur.

COR-

CORTICUM OVORUM

PRÆPARATIO.

Ovorum Cortices diu ac leviter quassati aqua fervida abluantur, ut membranulæ omnes secedant: calcinentur levissime, & supra porphyritem lævigentur.

CANCRO RUM FLUVIATIL IUM

PRÆPARATIO.

Cancros fluviatiles vel eorum loco Gammaros æstivo tempore captos ustulabis igne mediocri, & usque eo torrefacies ut in pulverem redigi, & supra lapidem commode lævigari possint.

OCULORUM CANCRO RUM

PRÆPARATIO.

Oculos Cancrorum in pulverem redactos mole supra porphyritem, Aquam rosaceam ubi opus fuerit instillando, usque ad perfectam lævigationem: ex massa fiant pastilli in umbra siccandi.

Eadem præparatione utere pro

Margaritis,

Matre perlarum,

Coralliis,

omnibusque Testaceis sive Ostracodermis.

PRÆ-

COR-

PRÆPARATIONES VEGETABILUM.

RADICUM PRÆPARATIO.

Radices plantarum nostratium idoneo tempore collectæ, idest primo vere si fieri potest evulsæ, a fibrillis inutilibus ac lignea medulla ubi opus fuerit repurgatæ, ac in partes sectæ ad umbram potius quam ad Solem exsiccentur.

HERBARUM PRÆPARATIO.

Herbæ dum maxime vigent, ac pleræque dum in florem se induunt colligendæ: scaporum infima parte abscissa, foliisque sponte arefcentibus abjectis, loco a ventis perflato in umbra siccandæ.

FLORUM EXSICCATIO.

Flores ab adhærentibus petiolis & calycibus quantum fieri potest repurgati, & late supra tabulam extensi celeriter siccantur ad Solem, vel in hypocausto leviter calefacto: statim vero ut exsiccati fuerint removendi, & in vase optime clauso servandi.

SEMINUM PRÆPARATIO.

Vix aliam præparationem requirunt Semina quam

M m m

ut

ut a capsulis & vasculis eximantur ac si humidiora fuerint leniter siccentur.

ESULÆ RADICUM PRÆPARATIO.

Esulæ Radices detracto cortice macerentur per tri-
duum in Aceto fortissimo postea exsiccentur.

AMMONIACI PRÆPARATIO.

Maceretur Ammoniacum in sufficiente quantitate
Aceti acerrimi aut Vini generosi modico calore do-
nec dissolvatur: solutio lactescens coletur per lin-
teum, deinde inspissetur leniter ad melleam consi-
stentiam. Eadem ratione præparentur

Galbanum,

Sagapenum,

Opopanax,

Bdellium,

aliæ item lacrymæ & succi, quo Electuariis, Un-
guentis, & Ceratis commodius misceri possint.

TEREBINTHINÆ LOTIO.

Terebinthinam Venetam coque in Aqua commu-
ni dum solidescat; post ablue pluries Aqua Anoni-
dis, massam ducendo ac reducendo, & sic præpa-
ratam in usum serva.

SAC-

SACCHARI CLARIFICATIO.

Albumina Ovorum duo totidem Aquæ communis libris affunde: agita bacillo dentato in vorticem acto donec spumescant: adde Sacchari libras quatuor; mox lebetæ ad ignem admoto, bulliant omnia simul, quoad spuma colligatis Sacchari inquinamentis liquori supernatet. Sublata crassiori massa, quod reliquum est in linteum colatorium, vel manicam Hippocratis effunde: traicietur Saccharum clarificatum, ad debitam consistentiam recoquendum.

Hac ferme ratione Syrupi omnes, Succī, ac Liqueores reliqui clarificentur.

MELLIS DESPUMATIO.

Mel supra ignem in cacabo vel alio idoneo vase ad levem fervorem detine: intumescet paulatim, ac in spumam elevabitur. Tum vase ab igne remoto, rudicula perforata spumam aufer, ac Mel tepidum cola per linteum rarioris texturæ.

NUCIS MOSCHATÆ TORREFACTIO.

Nucem Moschatam in particulas comminutam supra laminam igni moderato expone, & spathula jugiter move, dum pondere minuatur ad dimidias.

RHABARBARI TORREFACTIO.

Affetur Rhabarbarum supra laminam instar Nucis

Mmm 2

Mo-

Moschatæ: torrefactio autem eo perducatur, dum colorem fuscum acquirat.

SPONGIÆ USTULATIO.

Spongia minutim concisa ustuletur in furno modico calore, ut pulverisari possit.

PRÆPARATIONES MINERALIUM.

TUTHIÆ PRÆPARATIO.

Tuthiam sive Cadmiam factitiam igne vehementi candefactam exingue in Aqua Rosacea: semel atque iterum id repete; postea læviga supra porphyritem ex lege artis.

Simili ratione præparentur

Squama Æris,
Lapis Calaminaris,
Lapis Hæmatites,
Magnes. &c.

ALABASTRI PRÆPARATIO.

Alabastrum mollioresque lapides simili ratione præparentur ut Oculi Cancrorum.

CRY-

CRYSTALLI MONTANÆ

PRÆPARATIO.

CrySTALLUS in foco acriter incenso candefiat, ut resoluta & quasi calcinata in frustula diffiliat: teratur in pulverem, ac lævigetur perfecte supra porphyritem, idest dum particula dentibus pressa stridorem non pariat.

Fragmenta pretiosa,

Silices Fluviatiles,

Lapis Lazuli,

& alii lapides duriores eandem præparationem postulant.

LIMATURÆ FERRI

PRÆPARATIO.

Molatur supra lapidem porphyritem usque ad perfectam lævigationem.



DE SIMPLICIUM MEDICAMENTORUM
SUBSTITUTIONIBUS.

Simplicibus non paucis substitutionem adhiberi necesse est, partim quod a veteribus olim usurpata, nostris temporibus vel dubia ac obscura sint, vel penitus ignota; partim quod ab omni vitio ac suspicione immunia rarissime haberi possint: nec magni interest si forte res in alterius locum suffecta proprio nomine in eodem composito ieretur.

In Medicamentis, quæ ingentem numerum virentium herbarum accipiunt, si una forte vel altera ex rarioribus defuerit, concedi potest, ut locus ille impleatur æqua portione alterius herbe ex numero reliquarum, quæ idem compositum ingrediuntur.

*Substitutiones in Officinis nostris plurimum
usitate.*

Anthophyllis — substitue — Caryophyllos.


Aspalatho — — — — Lignum Aloes.

Behen albo legitimo — — Behen album vulgare.

Behen rubro legitimo — — Pastinacæ rubræ radices.

Bunia-

Buniadi — — <i>substituere</i> —	Napi, vel Rapæ vulgaris semen.
Calamo Aromatico vero —	Acori sive Calami Aromatici vulgaris radices.
Chalciridi — — — —	Vitriolum calcinatum.
Colophonizæ — — — —	Picem Græcam.
Costo legitimo — — — —	Costum Amarum vulgo dictum, vel Costum corticosum.
Doronico — — — —	Galangam minorem.
Granæ Kermes — — — —	Coccinellam.
Maro legitimo — — — —	Majoranæ Syriacæ, vel Origani Cretici summitates.
Opobalsamo — — — —	Oleum Nucis Moschatæ.
Pompholygi — — — —	Tuthiam.
Spodio Arabum vero — —	Spodium ex Ebore, id est Ebur ustum.
Spodio Græcorum — — — —	Tuthiam.
Sesamino Oleo — — — —	Oleum Amygdalinum, aut Violatum ad Unguenta.
Xylobalsamo — — — —	Lignum Aloes.



NOMENCLATIONUM PLUR A UNICO TITULO
COMPLECTENTIUM EXPLICATIO.

*Quinque Fragmenta Pre-
tiosa.*

Granati,

Hyacinthi,

Rubini,

Sapphiri,

Smaragdi.

*Quinque Radices Ape-
rientes.*

Apii,

Asparagi,

Feniculi,

Petroselini,

Rusci.

*Quinque Herba Capi-
lares.*

Asplenium,

Capillus veneris,

Lingua Cervina,

Polytrichum,

Adiantum album.

*Quatuor Flores Cor-
diales.*

Borraginis,

Buglossæ,

Rosarum rubrarum,

Violarum.

Qua-

*Quatuor Semina Calida
Majora.*

Anisi,

Carvi,

Cumini,

Fœniculi.

*Quatuor Semina Frigida
Minora.*

Cichorii,

Endiviæ,

Lactucæ,

Portulacæ.

*Quatuor Semina Calida
Minora.*

Ammeos,

Amomi nostratis,

Apii,

Dauci.

*Quatuor Semina Emol-
lientia.*

Althææ,

Malvæ,

Psyllii,

Violarum.

*Quatuor Semina Frigida
Majora.*

Citreoli,

Cucumeris,

Cucurbitæ,

Melonum.

*Quatuor Farinæ Resol-
ventes.*

Fabæ,


Hordei,

Lupini,

Orobi.

Nnn

MEN-



MENSURARUM AC PONDERUM
QUIBUS IN MEDICINA UTIMUR

DESIGNATIO.

GRANUM ex medicis ponderibus minimum
hordei grano mediocri æquatur.

SCRUPULUS viginti quatuor granis constat: proprio
charactere notatur — — — — — 3

DRACHMA fit ex tribus scrupulis: ejus signum — 3

UNCIA ex octo drachmis componitur: hac nota ex-
primitur — — — — — 3

LIBRA duodecim uncias continet.

MANIPULUS est quidquid manus apprehendit quan-
tum fieri potest dilatata.

PUGILLUS quidquid digitorum apicibus comprehen-
di potest.

GUTTA minima est quæ haberi potest liquoris per
intervalla stillantis portiuncula.

COCHLEARE unciam fere dimidiam, vel tres dra-
chmas liquoris continet.

Ad pondera designanda Romanis utimur numeris:
i. ii. iii. iiii. v. vi. vii. viii. ix. x. xi. xii.
xiii. xiiii. xv. xvi. xvii. xviii. xix. &c.

SE-


SEMIS medietatem cuiusque ponderis significat.

ANA vox a Græcis ducta singularum rerum prius enunciatarum æquale pondus sumendum esse ostendit.

Quæ proprio carent signo primis litteris compendio scribuntur.

Ex. gr.

gr.	— — — —	granum.
lib.	— — — —	libra.
man.	— — — —	manipulus.
pug.	— — — —	pugillus.
gutt.	— — — —	gutta.
cochl.	— — — —	cochleare.
ss.	— — — —	femis.
a.	— — — —	ana.
qu. s.	— — — —	quantum sufficit. &c.





DOSES MEDICAMENTORUM SIMPLICIUM

Q U Æ

CONSIDERATIONEM USUM POSTULANT.

- Agarici ————— a scrupulo i. ad drachmam i.
 Aloes Soccotrinæ ————— a scrupulo i. ad scrupulos ij.
 Ambræ Griseæ ————— a grano i. ad grana vi.
 Antimonii crudi ————— a scrupulo ℥. ad scrupulum i.
 Balsami Peruviani ————— a guttis iiij. ad guttas xij.
 Balsami Copaiba ————— a guttis v. ad guttas xx.
 Camphoræ ————— a granis iiij. ad grana xxx.
 Cantharidum ————— a grano ℥. ad grana ij.
 Carthami semen ————— a drachma ℥. ad drachmam i.
 Castorei ————— a granis v. ad scrupulum i.
 Chalybis Limaturæ ————— a scrupulo ℥. ad drachmam ℥.
 Cinnabaris nativæ ————— a granis iiij. ad grana xij.

Co-

Colocynthidos	—————	a granis v. ad grana x.
Croci	—————	a granis v. ad scrupulum i.
Euphorbii	—————	a granis iij. ad grana vi.
Fabæ S. Ignatii	—————	a granis iij. ad grana xij.
Gummi Guttæ	—————	a granis iij. ad grana x.
Hermodytylorum	—————	a drachma ℥. ad drachmam i.
Hellebori nigri	—————	a scrupulo ℥. ad drachmam ℥.
Jalappæ,	—————	a granis vi. ac drachmam ℥.
Ipecacuanhæ	—————	a granis v. ad scrupulum i.
Mechoacannæ	—————	a drachma ℥. ad drachmam i.
Mercurii crudi	—————	a scrupulo i. ad drachmam i.
Moschi	—————	a granis iij. ad grana xxx.
Opii	—————	a grano i. ad grana iij.
Rhabarbari	—————	a scrupulo ℥. ad drachmam i.
Salis Ammoniaci	—————	a scrupulo ℥. ad drachmam ℥.
Scammonii	—————	a granis iij. ad grana xij.
Sennæ	—————	a scrupulo i. ad scrupulos ij.
Turpethi	—————	a scrupulo ℥. ad scrupulos ij.

*Doses in hoc Antidotario tam simplicibus medica-
mentis quam compositis adscriptæ, eæ fere sunt quæ
fre-*

frequentius inter nos, ac sine periculo usurpari solent: ad
sepe casus incidunt, quibus perito Medico ac prudenti
eos quoque limites transcendere conceditur. Quocirca
monitos volumus Pharmacopæos, ut si forte dosis ali-
qua modum excedens dubitationem afferat, nihil pro-
prio arbitrio judicent vel faciant, sed prius dent operam,
ut Medici auctoris consilium penitus habeant exploratum.

F I N I S.



IN-